

Zašto da odaberete državnu srednju školu?

Informacije za roditelje i staratelje



Državne srednje škole pripremaju mlade ljude da bi, kao odrasle osobe, mogli da vode pun i zadovoljan život, i da uspješno rješavaju izazove u današnjem svijetu.

Kvalitet poduke i učenja

Državne škole u NSW sistemu školstva koriste NSW Quality Teaching Framework (sistem i postupke kod poduke, učenja i ocjenjivanja, koji kod đaka poboljšavaju rezultate u učenju), da pruže poduku i učenje koji su zanimljivi, relevantni i predstavljaju izazov. Naši nastavnici su potpuno osposobljeni i imaju fakultetske kvalifikacije. Naše škole imaju i pristup specijalizovanim savjetnicima, od kojih nastavnici redovito dobivaju savjete i obuku, čime se obezbjeđuje održavanje najvišeg standarda poduke i učenja u našim razredima.

Dodatne mogućnosti u okviru nastavnog programa

NSW državne srednje škole đacima nude širok niz školskih predmeta, mogućnosti i stručnosti. Putem stručnog obrazovanja i prilike za obuku, naši đaci ne samo da uče raznolik niz školskih predmeta, nego imaju i pristup raznim kursovima, od kojih se mnogi nude u saradnji s TAFE institutima. Stariji đaci mogu studirati i predmete na fakultetskom nivou, povezane s HSC (Svjedočanstvom koje se stiče nakon uspješnog završetka Year 11 and 12). U mnogim školama u seoskim i udaljenim područjima, dodatni predmeti se nude preko kompjutera.

Jake vrijednosti

U svojoj lokalnoj državnoj srednjoj školi, vaše dijete će nastaviti učiti o važnim vrijednostima o kojima je počelo učiti u osnovnoj školi. Izuzetno je važno da naši đaci razumiju koliko su važne stvari kao poštovanje, odgovornost, integritet, izvrsnost, otvorenost, saradnja, učestvovanje, brižnost, pravednost i demokratija. Time vašem djetetu možemo pomoći da:

- razvije ljubav prema učenju
- zalaže se za izvrsnost i visoke standarde
- razvija brižnost i poštovanje za sebe i druge
- bude ponosno na svoj rad
- pokazuje osjećaj za pravednost i društvenu pravdu
- cijeni australijsku historiju i multikulturalno društvo
- aktivno učestvuje kao državljanin.

Izvrzne usluge podrške

Jedna od glavnih jakih strana državnog školskog sistema je razvijena mreža osoba koje rade na tome da se svako dijete uspješno prilagodi svojoj novoj školskoj sredini. Širok niz usluga podrške koje đacima olakšavaju prijelaz iz osnovne u srednju školu uključuju:

- savjetnike za đake
- savjetnike za izbor karijere
- radne timove za dobrobit đaka
- kvalifikovane školske savjetnike
- pomoćne nastavnike za đake s teškoćama u učenju
- nastavnike engleskog kao drugog jezika
- asistente za obrazovanje Aboridžina
- službenike za informacije i za veze sa zajednicom

Koncentrisanje na srednje godine (Years 5 – 9)

Pomaganje djeci tokom 'srednjih godina' je identifikovano kao prioritet u državnom školstvu u NSW-u. Škole su razradile veoma uspješne programe za srednje godine, da prijelaz u srednju školu bude što lakši i ugodniji, i đacima i roditeljima.

Visoki školski rezultati, kvalitetna poduka i učenje, proširen nastavni program, jake vrijednosti, izvrzne usluge podrške i koncentrisanje na srednje godine – šest dobrih razloga zašto da svoje dijete upišete u državnu srednju školu.

Telefonska služba tumača

Ako želite nazvati školskog direktora i trebate pomoć tumača, molimo nazovite Telefonsku službu tumača na broj 131 450 i zatražite tumača za svoj jezik. Tumač će nazvati direktora i ostati s vama na vezi, pomažući oko razgovora. Ova usluga se vama ništa ne naplaćuje.

NSW Department of Education

GPO Box 33
Sydney NSW 2001
T 9561 8000



Education
Public Schools